



**Petri Venerabilis Abbatis Cluniacensis; Illvstrivm
Miracvlorvm Libri II**

Petrus <Cluny, Abt>

Coloniæ, 1611

[De confessione cuiusdam Fratris Cluniacensis tandem facta Domino Abbati
veraci & deuoto. Capvt XXXII.]

[urn:nbn:de:hbz:466:1-64969](https://nbn-resolving.de/urn:nbn:de:hbz:466:1-64969)

Galliarum vrbe plebium numerositate inferior, auditō tam felici nuncio, in momento aduolat. Repletur tam clamoris quam deuotis letantium vocibus Ecclesia, & cernentes viuentem, quem mortuum reliquerant, vix se ipsos præ gaudio capiebat. Obtulit debinc deuota mulier puerum sancto, & quia sicut ab utroque parente primam, ut sic loquar, vitam acceperat, sic à sancto Maiolo tam insigni miraculo secundam resumpserat, authoreitate materna S. Maioli filium decreuit perpetuò nuncupari. Ne verò legenti vel audienti superesse aliqua de tanto miraculo dubietas possit, nouerint me antequam hæc scriberem, his Siluiniacum venisse, & tam à matre quam à pluribus & fide dignis testibus, dum id sollicitè inquirem, ea accepisse.

De confessione cuiusdam Fratris Cluniensis tandem facta Domino Abbatii veraci & deuoto.

CAPUT XXXII.

IAM aliam de utilitate confessionis visionem, præter illas quas longè supra narraui, quia multo post tempore accidit, non præteribo. Eo enim anno quo de Anglia secundo redij, illud

illud me audisse contigit. Quod nemen-
ti ex ideret, eodem anno literis tradidi.
Regressus à iam dictæ Angliæ partibus
dum Cluniacum tendens per Franciam
iter agerem, ad quoddam monasterium
Cluniacensis ordinis quod Radolium
vocatur, & ad charitatem pertinet, hospi-
tandi causa diuerti. Præsidebat tunc eidē
loco moe Prioris frater quidam Bernar-
dus nomine, Piætatis natione, iuuenis
ætate, elegans moribus, opere strenuus,
domui sibi commissæ prudenter proui-
dens. Detinebatur tunc valida febri tam-
quæ graui, ut lecto assidue decumbere co-
geretur. Veni ergo, & tali morbo cum
grauatum inueni. Accessū statim facta re-
gulari oratione ad ipsum, & qualiter se
haberet sollicitè perquisiui. Respondit il-
le, quod clarum erat, nec aliquem cernen-
tem latere poterat, multum se incommo-
do iam dicto grauari. Monui pro officio,
ut quandiu compos sui erat, conscienciam
scrutaretur, peccata confitetur,
nec aliquid ad salutem animæ pertinens
intermitteret, sed confessione, deuotio-
ne, oratione, ad iter peregrinum securè
explendum, se toto quo posset conamine-
parat. Acquieuit monitis libens, & se-
motis alijs me tantum coram residente,
confi-

confiteri deuotè aggressus est. Expleta,
 prout tunc datum fuit, confessione, feci
 quod meum erat, & ægrum confitentem
 Christiano more absolui. Iniuncta verò
 ei congrua, iuxta quod ab ipso audieram
 & mihi visum est, pœnitentia, die sequē-
 ti ad ipsam redditurus recessi. Facto mane,
 ut proposueram redijs, & remotis astanti-
 bus, secreto eum de similibus ut prius fe-
 cerā, admonebā. At ille ut potuit corpore,
 totus autem mente ad me conuersus, pec-
 caui (ait) Domine, & valde peccavi, quod
 de hesterna confessione, quam purè face-
 re debuisse, de industria quædam sub-
 traxi. Ea de causa ad iudicium hac nocte
 vocatus, mira & tremenda videre coact⁹
 sum. Adstabat quodam in loco multitu-
 do hominum terti coloris, horrendæ for-
 mæ, quorum deformitatem vix visus hu-
 manus tolerare poterat. Allatae sunt ab
 eis lances geminæ, in quarum una ani-
 mam meam, in alia opera mea cernebā.
 Accusabant me vndique, & quandoque
 vera, quandoque falsa plurima more suo
 proferebant. Æstuabam constitutus in
 arcto, nec tot, ut videbatur, millibus ho-
 minum innumera objcientibus, præti-
 more respondere poteram. Cumque diu
 huiusmodi litibus & accusationibus me
 ad om-

ad omnia suspensum ac trementem vexassent, occurrit tandem formosus, ut videbatur, vir, & in medio astans, turbis insanientibus, immo ut animo conceperam dæmonibus, quid (inquit) queritis? Non est iste planè, non est iste de vestris. Eripuit, eripuit eum certè de manibus vestris, ea quam hesterno die Abbatu suo fecit confessio. Non sic est, inquiunt, non sic est, ut dicis. Nouimus enim, & bene conscij sumus, quid dixerit, & quid retinuerit. Tacuit pro certo quædam, quorum sibi ipse conscius est, non obliuione inductus, sed deliberatione seductus. Cū igitur bonus ille defensor meus prolatam licet à mendacibus veritatem negare non posset, nec tamen me deserere vellet, consumpsi in immenso labore ac formidine totam hanc noctem. Quæ transacta aurora, ut credo, dante dici principium, ex parte factus ad me redij. Nunc quia plenè intelligo multam mihi à Deo hac visione impensam misericordiam, ut fateri me velit, quod tacere decreveram, detegam Deo cuncta ex integro, tibiique pater, nec ultra meam animam parata salute fraudabo. His dictis ad confitendum rursus conuersus, quicquid exhaustum reliquerat totum per Dei gratiam

gratiam exhausit. Expleta veraci & deuota confessione, absolui pro officio fratrem, & oleo sancto inunctum, Christi corpore ad æternam vitam obtinendam refectum, Deo & fratribus precibus intentè commendauit, sicque valefaciens ei, cum socijs recessi. Dehinc ut Cluniacum veni, paucis interiectis diebus, eius discessum audiens, & sibi debita quæ ad animam pertinent beneficia à fratribus sollicitè reddi rogavi, & plura supra debitum addidi.

F I N I S.

SELEC-